



顏魯公文集

卷之十一

書帖

與李太保帖

不審所苦何如奉計已痊復真卿緣馬病
 朝迴已乏未遂馳謁謹勒參候不次謹狀
 十一日刑部尚書顏真卿狀上李太保大
 夫公閣下 千手贊檢未得帖之謹空
 拙於生事舉家食粥來已數月今又罄竭
 祗益憂煎輒侍深情故令投告惠及少米
 實濟艱勤仍恕干煩也真卿狀
 不審不審太保所苦何如承渴已損深慰



錫山安國刊

馳仰所檢贖猶未獲望於文書細檢也疾
妻服藥要少鹿肉隨有新好者望惠少許
幸幸甚甚專舉請不次謹狀二十九日刑
部尚書顏真卿狀上李太保大夫公閣下
謹空

與盧舍人曹帖

乍奉辭但增悵仰承已過埭不得重別情
深惘然玆重謹此不宣真卿白二十四日

與蔡明遠帖

蔡明遠鄱陽人真卿昔刺饒州即嘗趨事
及來江右無改厥勤靖言此心有足嘉者
一昨緣受替歸北中止金陵闔門百口幾
至餓口明遠與夏鎮不遠數千里冒涉江

湖連舸而來不憊晷刻竟達命于秦淮之
上又隨我于邗溝之東追攀不疲以至邵
伯南埭始終之際良有可稱今既已事方
旋指期斯復江路悠緬風濤浩然行李之
間深宜尚慎不宣真卿報

與夫人帖

真卿頓首奉承十四日遷厝承問悲慕不
能自勝惟攀慕不及摧毀何堪痛當奈何
痛當奈何凝寒惟動靜支適兒子等保侍
真卿離官已久事須十間前至鄭州汴州

已來專奉侍一日只擬一驛計過大事後
發簡恐遲必望知此緩急勿遲滯足下不
來義無獨去之法必請於此狼狽所望今
到汴州水下不愁河凍書祭器等先下舡
去真卿十一日且發東京佇望早來早來
謹不次真卿頓首夫人閣下 十一月八
日 問訊頌翹蒙郎郎和奴光嚴深遠憶
或至十二日得發

寒食帖

天氣殊未佳汝定成行否寒食只數日間
得且住為佳耳

蔡州帖 題駟舍壁

真卿奉命來此事期未竟止緣忠勤無有

旋意然中心懷之惟願始終不改游于
波濤宜得斯報千百年間察真卿心者見
此一事知我是行亦足達於時命耳 人
心無路見時事只天知不備後二句

與郭僕射書

十一月日某謹奉書于右僕射定襄郡王
郭公閣下蓋太上有立德其次有立功是
之謂不朽抑又聞之端揆者百寮之師長
諸侯王者人臣之極地今僕射挺不朽之
功業當人臣之極地豈不以才為世出功
冠一時挫思明跋扈之師抗迴紇無厭之
請故得身畫凌煙之閣各藏太室之廷吁
足畏也然美則美矣而終始之難故曰蕭

而不溢所以長守富也高而不危所以長
守貴也可不懃懃乎書曰爾惟弗矜天下
莫與汝爭功爾惟不伐天下莫與汝爭能
以齊桓公之盛業片言勤王則九合諸侯
一匡天下秦立之會微有振矜而叛者九
國故曰百里者半九十言晚節末路
之難也從古至今哀我高祖太宗已來未
有行此而不理廢此而不亂者也前者菩
提寺行香僕射指麾宰相與兩省臺省已
下常參官並為一行坐魚開府及僕射率
諸軍將為一行坐若一時從權猶未可何
况積習更行之乎一時以郭令公以父子
軍破大羊兇逆之眾家情欣喜恨不頂

而戴之是用有興道之會僕射又不悟前
失徑率意而指麾不顧班秩之高下不論
文武之左右苟以取悅軍容為心曾不顧
百寮之側目亦何異清書攫金之士哉甚
非謂也君子愛人以禮不謂姑息僕射得
不深念之乎某竊聞軍容之為人清修梵
行深入佛海况乎救東京有殄賊之業守
陝城有戴天之功朝野之人所共貴仰豈
獨有分於僕射哉加以利衰塗割恬然於
心固不以一毀加怒一敬加喜尚何半席
之座咫尺之地汨其志哉且鄉里上齒宗
朝上壽朝廷上位皆有等威以明長幼
故得彝倫叙而天下和平也且上自宰相

御史大夫兩省五品已上供奉官自爲一行十二衛大將軍次之三師三公令僕少師保傅尚書左右丞侍郎自爲一行九卿三監對之從古以然未嘗參錯至如節度軍將各有本班卿監有卿監之班將軍有將軍之位縱是開府特進並是勳官用蔭即有高卑會燕合依倫叙豈可裂冠毀冕反易彝倫貴者爲賤所凌尊者爲卑所偪一至於此振古未聞如魚軍容階雖開府官即監門將軍朝廷列位自有次叙但以功績既高恩澤莫二出入王命衆人不敢爲比不可令居本位須別示有尊崇只可於宰相師保座南橫安一位如御史臺衆

尊知雜事御史別置一榻使百寮共得瞻仰不亦可乎聖皇時開府高力士承恩宣傳亦只如此橫座亦不聞別有禮數亦何必令他失位如李輔國尚承恩澤居左右僕射及三公之上今天下疑怪乎古人云益者三友損者三友願僕射與軍容爲首諒之友不願僕射爲軍容佞柔之友又一作裴僕射誤欲令左右丞勾當尚書當時輒有訓對僕射恃貴張目見左介衆之中不欲顯過今者興道之會還爾逐非再謁入座尚書欲令便向下座州縣軍城之禮亦恐未然朝廷公讌之宜不應若此今既若此僕射意只應以爲尚書之與僕

射若州佐之與縣令乎若以尚書同於縣
令則僕射見尚書令得如上佐事刺史乎
益不然矣今既三廳齊列足明不同刺史
且尚書令與僕射同是一品只校上下之
階六曹尚書並正三品又非隔品致敬之
類尚書之事僕射禮數未敢有失僕射之
顧尚書何乃欲同卑吏又據宋書百官志
八座同是第三品隋及國家始升作二品
高自標致誠則尊崇向下擠排無乃為甚
况再於公堂獨吐常伯當為令公初到不
顧紛披備惋就命亦非理屈朝廷紀綱渙
共存立過尔墜壞亦恐及身明天子忽震
電含怒責數尋倫之人則僕射其將何辭

以對 補遺

贊

李侍御寫真贊 乾元二年 韓翃 黃

前殿中侍御史正議大夫行洛陽縣令隴

西李構年三十七

洛陽精堅強項稱賢粉績圖出風規宛然
醉容昭寫卓立神全舉板迎揖吾將荅焉

題名一

華嶽廟題名

皇唐乾元元年歲次戊戌冬十月戊申真
卿自蒲州刺史蒙恩除饒州刺史十有二
日辛亥次于華陰與監察御史王延昌大
理評事攝監察御史穆寧評事張滄華陰

命劉嵩主簿郵鎮同謁金天王之神祠

東林寺題名

唐永泰丙午歲真卿以罪佐吉州夏六月
壬戌與張亮韋昶鮑勣糖尼賈鎰臨善糖
同次于東林寺則同情熙怡二公惠秀正
義二律師象揚鸞存焉仰廬阜之鑪峯想
遠公之遺烈升神運毀遭僧伽衣觀生法
師塵尾扇謝靈運翻涅槃經具多梵夾忻
慕之不足聊寓刻于李張二公耶舍禪師
之碑側

西林寺題名

唐永泰丙午歲真卿以疎拙貶佐吉州夏
六月癸亥與殷亮韋昶尼糖賈鎰醜

糖作鑑揚鸞憇于西林寺有法真律師深
究清淨毗尼之學即律祖師志思之上足
余內弟正義之阿闍黎也緬懷遠見二公
之遺烈導余躋重閣示余以張僧繇畫盧
舍那佛像自梁武帝覺線繡鉢袋因寓題
歐陽公所撰永公碑陰

靖居寺題名

唐永泰二年真卿以罪佐吉州聞青原靖
居寺有幽絕之致御史韓公涉刺史梁公
乘嘗見招欲同遊而不果大曆二年十月
壬寅評事韋南已使將歸乃與別駕李
清河房澄同官主簿陸洵甫男七步真
卿子姪蔡頤泚願軒等同宿于下坊明日

及僧明則智清而登礼焉因覩行思天師
經始雙泉之靈迹道契律師纂戎路之
秘藏併徇瞻仰乃援翰而勒于碑陰

題湖州碑陰

太保謝公東晉咸和中以吳興山水清遠
求典此郡郡西至長城縣通水陸今尚稱
謝公塘及迁去郡人用懷思刻石記功焉
歷代至皇唐天寶末羣盜起公之碑誌失
於所在眷求蕪沒深為愴然借舊史遺文
敬刊息石公之雅量弘度蓋嗟嘆之不足

顏魯公文集卷之十一

顏魯公文集

錫山安國刊

卷之十二

序

尚書刑部侍郎贈尚書右僕射孫

述文公集序

古之為文者所以導達心志發揮性靈本
乎詠歌終乎雅頌帝庸作而君臣動色王
澤竭而風化不行政之具衰實繫于此然
而文勝質則綉其繁華悅而血流漂杵質勝
文則野於礼樂而木訥不華歷代相因莫
能適中故詩人之賦麗以則詞人之賦麗
以淫此其效也漢魏已還雅道微缺梁陳

斯降宮舛聿與既馳騁於末流遂受嗤於
後學是以沈隱侯之論謝康樂也乃云靈
均已來此未及覩盧黃門之序陳拾遺也
而云道喪五百歲而得陳君若激昂顛波
雖無害於過正推其中論不亦傷於厚誣
何則雅鄭在人理亂由俗桑間濮上胡爲
乎綿古之時正始皇風奚獲乎凡今之代
蓋不然矣其或斌二彪炳郁二相宣膺期
運以挺生奮寰瀛而首出者其惟僕射孫
公乎公諱述河南鞏人其先自樂安武水
寓于涉而從焉父嘉之以詞學登科官至
宋州司馬公風裁徵明天才傑出學窮百
氏不好非聖之書文統二變特深稽古之

道致逸氣上躋而高情四達若素隱乎混
元之始表獨立於常均之外不其盛歟年
數歲即好屬文十五時相國齊公崔日用
試土火爐賦公雅思適麗援翰立成齊公
駭之約以忘年之契爾後遂有大名故其
試言也年未弱冠而三擅甲科吏部侍郎
王立試竹簾賦降階約拜以殊禮待之相
國燕公張說覽其策而心醉其序事也則
伯樂川記及諸碑誌皆卓立千古傳於域
中其爲詩也必有逸韻佳對冠絕當時布
在人口其詞言也則宰相張九齡欲拊摭
疵瑕沉吟久之不能易一字公之除庶子
也死咸草詔曰西掖掌論朝推無對議者

以爲知言凡斯夥多庸可悉數故燕國深賞公才俾與張九齡許景先韋述同遊門庭命子均均施伯仲之礼江夏李邕自陳州入計繕寫其集齎以詣公託知己之分其爲先達所重也如此公文雅有清鑒典考功時精覈進士雖權要不能逼所獎擢者二十七人數年間宏詞判等入甲者一十六人授校書者九人其餘咸著各當世已而多至顯官明年典舉亦如之故言策者必稱孫公而已夫然信可謂人文之宗師國風之哲匠者矣公凡所著詩歌賦序策問贊碑志表疏制誥等不可勝紀遭二朝之亂多有散落子宿絳成等夙奉過庭之訓咸以文章知名同時臺省乃編次公文彙爲二十卷列之于左庶乎好事者傳焉諷誦以垂乎無窮亦何必藏名山而納石室也真卿昔觀光乎天府實荷公之獎擢見命爲序豈究端倪時則未泰元年仲秋之月至若世系闕閱蓋存諸別傳此不復云

懷素上人草書歌序

開士懷素僧中之英氣傑通疎性靈豁暢精心草聖積有歲時江嶺之間其名大著故吏部尚書韋公陟觀其筆力勗以有成今禮部侍郎張公謂賞其不羈引共遊處兼好事者同作歌以讚之動盈卷軸夫草

藁之作起於漢代杜慶崔瑗始以妙聞迨
乎伯英尤擅其美羲獻茲降虞陸相承口
訣手授以至於吳郡張旭長史雖恣性顛
逸超絕古今而楷法精詳特為真正某早
歲嘗接游居屢蒙激勸教以筆法資質劣
弱又嬰物務不能懇習迄用無成追思一
言何可復得忽見師作縱橫不羣迅疾駭
人若還舊觀同使師得親承善誘亟揖規
模則入室之賓捨子奚適嗟嘆不足聊書
以冠諸篇首

送刘太冲序

刘太冲彭城之華望者也自開府垂明於
宋室澤州考績於國朝道素相承世傳儒
雅尚矣夫其果行修潔斯文彪蔚鄴木照
乎梭華龍驥驤乎雲路則公山正禮策高
足於前冲與太真嗣家声於後有日矣昔
余作郡平原拒胡羯而請與後事掌銓吏
部第甲乙而超升等夷爾來蹉跎猶屑卑
位雖才不偶命而德其無鄰故冲之西遊
斯有望矣江月弦魄秦淮頂朝君行句溪
正及春水勗哉之子道在何居

送辛子序

醇白之士曰隴西辛晃銳業班漢顯門名
家十五而志學克明五十而勵精益懋拳
拳不失慕回也之服膺袞二可聽同茂先
之善說昔我高叔祖鄆州使君著决疑一

十二卷問荅稱爲大顏曾伯祖祕書監府
君集註詳成一十二帙 儒斟酌煩省摺
撫英華勒成三十篇名之曰漢畧夫其發
凡舉例晁序言之已詳惜乎困於縑緗不
獲繕寫遂使精義沉鬱闇然未彰吁足嘆
也二月初吉金陵氣暖抵淮上之諸侯所
如必合及滁川之美景未至方歡羣子賦
詩以寵之

顏魯公文集卷之十一

顏魯公文集卷之十三

錫山安國刊

記

東方先生畫贊碑陰記

東方先生畫贊者晉散騎常侍夏侯湛之
所作也湛字孝若父莊為樂陵太守因來
觀省遂作斯文贊云

大夫諱朔字曼倩平原馱次人魏建安中
分馱次為樂陵郡又為郡人焉馱次今移
屬樂安郡東去祠廟二百里故馱次城今
在平原郡安德縣東北二十二里廟西南
一里先生形像今則捏素為之并二細君
侍焉郡嘗為德州其贊開元八年刺史韓

公思復刻于石碑貞卿去歲拜此郡屬殿
中侍御史平公列監察御史閻公寬李公
史魚右金吾曹公審咸以河北採訪使
東平王判官巡巡按狎至真鄉候于境上
而先生祠廟不遠道周丞與數公臬家兄
淄州司馬曜卿長史前洛陽令蕭晉用前
醴泉尉李伯魚徵君左驍衛兵曹張璠麟
遊尉韋宅相朝城主簿韋夏有司經正字
畢耀族弟渾前參軍鄭悟初同茲謁拜退
而游于中唐則韓之刻石存焉僉歎其文
字纖靡駁癘生金四十年間已不可識真
鄉於是勒諸他山之石蓋取其字大可以
不復課其工拙故援翰而不辭焉至若先

生事跡則載左太史公書漢書風俗通武
帝內傳十洲記列仙神仙高士傳此不復
紀焉有唐天宝十三載季冬辛卯朔建

鮮于氏離堆記

閬州之東百餘里有縣曰新政新政之南
數千步有山曰離堆斗入嘉陵江直上數
百尺形勝縮矗歆壁峻肅上崢嶸而下迴
泐不與衆山相連屬是之謂離堆東面有
石堂焉即故京兆尹鮮于君之所開鑿也
堂有室廣輪袤丈蕭豁洞敞虛闡江声激
見羣象人村川坵若指諸掌堂北磐石之
上有九曲流杯池焉懸源螭猶蹙噴鶴味
醴渠股引迺坐環溜若有良朋以傾醇酎

堂南有茅齋焉遊於斯息於斯聚賓友於斯虛而來者實而歸其齋壁間有詩焉皆君舅著作即嚴從君甥殿中侍御史嚴僉之等美君考槃之所作也其右有小石廬焉亦可蔭而跋據矣其松竹桂博冬青雜樹皆徙他山而栽蒔焉其上方有男官觀焉署之曰景福君弟京兆尹叔明至德二年十月嘗任尚書司勳員外郎之所去置也君諱向字仲通以字行漁陽人卓余堅伎毅然抗直易有之曰篤實輝光書不三乎沉潛剛克君自高魯已降世以財雄徠賢豪施舍不倦至君繼序其流益光冠以任俠自喜尚未知名乃慷慨發憤

焉卜築養蒙學文忘寢與食不四二載展也大成著作奇之勗以賓薦無何以進士高第驟登臺省天寶九載以益州大都督府長史兼御史中丞持節充劍南節度副大使知節度事劍南山南西道採訪處置使入爲司農少卿遂作京兆尹以忤楊國忠貶郡陽郡司馬十有二載秋八月除漢陽郡太守冬十有一月終于所任官舍悲夫雄圖未伸志業已空葬于縣北表附先營禮也君之薨也冢子光祿寺丞昱匍匐迎喪星言泣血自沔泝峽湍險萬重肩槁足榻板笮引舳凡今幾年戰瘁在目因心則至豈無僮僕裊昱之季曰尚書都官員

外郎昺克篤前烈永言孝思懇志反
葬于茲行道之人孰不跋而真卿猶子曰
絃從父兄故偃師丞春卿之子也嘗尉閬
中君故舊不遺與之有忘年之契叔明昱
昺亦篤世親之歡真卿因之又忝憲司之察
丞與濟南蹇昂奉以周旋益著通家之好
君兄允南以司膳司封二郎中弟允臧以
三院御史借與叔明首末聯事我是用飽
君之故乾元改號上元之歲秋八月哉生
魄猥自刑部侍郎以言事忤旨聖恩全宥
貶貳于蓬州召嘉陵而路出新政適會昱
以成都兵曹取急歸覲遭我乎貴州之軌
留游締歡信宿陘峴感今懷昔遂援翰而

志之叔明時刺商州昺又申掾京兆不同
躋涉有恨如何帝唐龍集後壬寅仲夏巳
卯朔十五日甲午刻于門序之左右

撫州宝應寺律藏院戒壇記

如來以身口意三業唯調伏也淨尸羅以
息其內行住坐卧四威儀攝善心也明布
薩以昭其外故曰波羅提木叉是汝之師
則憍陳如之善來迦葉波之尚法諸声聞
二歸約衆十四年以久敬度尼羯磨相承
其致一也至漢靈帝建寧元年有比天竺
五桑門支法領等始於長安譯出四分戒
本兼羯磨與大僧受戒至曹魏有天竺十
尼自遠而來爲丘受其後秦姚萇弘始十

一年有梵僧佛佉耶舍譯出四分律本而
關內先行僧氏江南盛行十誦至魏法聰
律師始闡四分之宗聰傳道覆二傳慧光
光傳雲輝頭二傳理隱梁洪雲二傳遵二傳智首二傳道宣二傳洪二傳法勵二傳滿
意二傳法成二傳大亮道賓亮二傳雲一
賓岸超惠澄二傳慧欽此皆口相授受臻
于盡奧欽俗姓徐洪州建昌人蓋漢孺子
之後也二十二尋師于臨川楮山後五歲
削髮隸于高安龍崗寺遂受戒有唐義淨
則譯經上足曰洪州之靈傑其秉宣羯磨
者曰兩京滌法舊集与文粹同石本作兩
京清條使法下文斷缺當考銳欽智度冲

深神用高爽行無權實身絕開遮闡律藏
而日月光明騁辯才而龍象蹴蹈江嶺之
外凜然風生開元末北遊京充福先大德
常誦大涅槃經而講之兼明俱舍論維摩
金剛經每登講座其下日有二三千人由
是名動輦轂屬祿山作亂杖錫南歸居于
西山洪井雙嶺之間慕高僧觀顯之遺蹤
於寺北初置蘭若山泉之美頗極幽絕次
雖堅持律儀而志在弘濟好讀周易左傳
下筆成章著律儀輔演十卷嘗撰本州龍
興寺戒壇碑頗見稱於作者三年真卿忝
刺撫州東南四里有宋侍中臨川內史謝
靈運翻大涅槃經古臺階局儼然軒構推

北有高行頭陀僧智清者首事修葺安居
住持明年秋七月真卿續秩將滿有觀察
使尚書御史大夫趙國魏公頤以我皇帝
降誕之辰奏爲宝應寺仍請山林高行僧
三七人冬十月二十三日聖恩允許於是
昇新輪奐其興也勃焉仍請止觀大師法
源法泉襄陽乘覓清源善弘羅浮圖覓佛
跡十喻餘杭慧達泉當州海通海岸等同
住薰修以資景福僉以爲孝徒雖增毗尼
未立明年三月乃請欽登壇而董振鐸焉
仍俾龍崗道幹天台法裔招提智融白馬
法胤衡岳正覺同德義盈香城藏選龍興
藏志開元明徹等同秉法事於是遠近駿

奔道場側塞聖像放光而龍王不雨者四
旬僧尼等三百五十七人而文士正議
大夫前衛尉少卿張延臯脫俗歸真其名
曰壞綱爲稱首焉又欽比年已來爲受具
者凡一萬餘人江嶺湖海之間幅員千餘
里像法於變此皆欽教道之力焉臨川在
嶺隅未嘗弘律於是二衆三百餘人謂法
裔敷演而依止之後有上都資聖寺高德
曰还本律主偉茲能深辨嗟嘆而贊美之
請於寺東南置普通無礙禪院院內立眞
因觀音道場請善弘居之以開悟心要雲
一上足曰智融精持本事如會尊衆乃命
智光等於普通道場東置律藏院初立戒

壇以佇欽公之來歲且施肇紀之不朽經
營未幾壇殿鬱興庶乎渡海浮囊分毫絕
羅刹之請嚴身瓔珞照耀有摩尼之光則
入佛位而披伽梨者各香普薰神足無極
其可勝紀而蕪絕乎有唐大曆辛亥歲春
三月行撫州刺史魯郡開國公顏真書而
誌之

抚州南城縣麻姑山仙壇記

麻姑者葛稚川神仙傳云王遠字方平欲
東之括蒼山過吳蔡經家教其尸解如蟬
蛇也經去十餘年忽還語家言十月七日
王君當來過到期日方平乘白車駕五龍
各異色旌旗導從威儀赫奕如大將也既

至坐須臾引見經父兄因遣人與麻姑相
聞亦莫知麻姑是何神也言王方平敬報
久不行民間今來在此想麻姑能暫來有
頃信還但聞其語不見所使人曰麻姑再
拜不見忽已五百餘年尊卑有序修敬無
階思念久煩信承在彼登山顛倒而先被
記當按行蓬萊今便暫往如是便還二即
親觀願不即去如此兩時間麻姑來來時
不先聞人馬聲既至後官當半於方平也
麻姑至蔡經亦舉家見之是好女子年十
八九許頂中作髻餘髮垂之至要其衣有
文章而非錦綺光彩耀日不可各字皆世
所無有也得見方平方平為起立坐定各

進行厨金盤玉盃無限美膳多是諸華而
香氣達於內外擬麟脯行之麻姑自言接
侍以來見東海三爲桑田向間蓬萊水乃
淺於往者會時畧半也豈將復還爲陸陵
乎方平笑曰聖人昔言海中行復揚塵也
麻姑欲見蔡經母及婦經弟婦新產數
十日麻姑望見之已知曰噫且止勿前即
求少許米便以擲之墮地即成丹砂方平
笑曰姑故年少吾了不喜復作此曹狡獪
變化也麻姑手似鳥爪蔡經心中念言背
蚌時得此爪以爬背乃佳也方平即知經
心中所言乃使人牽經鞭之曰麻姑者神
人汝何忽其爪可以爬背耶見鞭著經背

亦不見有人持鞭者方平告經曰吾鞭
不可妄得也大曆二年真卿刺撫州按
圖經南城縣有麻姑山頂有古壇相傳
云麻姑於此得道壇東南有池中有紅
蓮近忽變碧今又白矣池北下壇傍有
杉松松皆偃蓋時聞步虛鍾磬之音東
南有瀑布淙下三百餘尺東北有石崇
觀高石中猶有螺蚌殼或以爲桑田所
變西北有麻源謝靈運詩題入華子崗
是麻源第三谷恐其處也源口有神祈
雨輒應開元中道士鄧紫陽於此習道
蒙召入大同殿修功德二十七年忽見
虎駕龍車二人執節在庭中顧謂其友

竹穆猷曰此迎我也可為吾奏願欲歸
葬本山仍請立廟於壇側立宗後之天
宝五載投龍於瀑布石池中有黃龍見
玄宗感焉乃命增修僊宇真儀侍從雲
鶴之類於戲自麻姑發迹於茲嶺南真遺
壇於龜原花姑表異於井山今女道士黎
瓊仙年八十而容色益少曾妙行夢瓊仙
而食花絕粒紫陽姪男曰德誠繼修香火
弟子譚仙巖法籙尊嚴而史玄洞左通玄
鄒鬱華皆清虛服道非天地氣殊異江山
炳靈則曷由纂懿流光若斯之盛者矣真
卿幸承餘烈敢刻金石而志之時則六年
夏四月也

梁吳興太守柳惲西亭記

湖州烏程縣南水亭即梁吳興太守柳惲
西亭也繚以遠峯浮於清流包括氣象
之妙實資遊宴之美觀夫構宏材披廣榭
豁達其外睽眾其中雲軒水閣當亭無暑
信為仁智之所創制原乎其始則柳吳興
惲西亭之舊所焉世增崇之不易其地按
吳均入東記云惲為郡起西亭毗山二亭
悉有詩今處士陳羽圖記云西亭城西南
二里烏程縣南六十步跨苕溪為之昔柳
惲文暢再典吳興以天監十六年正月所
起以其在吳興郡理西故名焉文暢嘗與
郡主簿吳均同賦西亭五韻之作由是此

亭勝事彌著間歲頗爲州僚處而有之日
月滋深室宇將壞而文人嘉客不得極情
于茲憤憤悱悱者久矣邑宰李清請而修
之以摠衆君子之意役不煩費財有羨餘
人莫之知而斯美具也清皇家子名公之
胤忠肅明懿以將其身清簡仁惠以成其
政絃歌二歲而流庸復者六百餘室廢田
墾者三百頃浮客驟湊逾乎二千種桑畜
養盈於數萬官路有刻石之埃吏厨有養
錢之資敦本經父率皆如是畧舉數者其
餘可知矣豈必夜魚春躍而後見稱哉於
戲以清之地高且才而勵精於政事何患
雲霄之不致乎清之筮仕也兩參雋人之

列再移仙尉之任毗贊於蜀邑子男於吳
興及爲廉使盛府之所辟薦則知李詩之
訓問緝之心施之於政不得不然也縣稱
緊舊矣今詔升爲望清當受代而邑人已
軫去思之悲白府願留者婁矣真卿重違
耆老之請啓於十連優詔以旌清之美也
某不佞忝當分憂共理之寄人安俗阜固
有所歸雖無魯臣掣肘之患豈盡子言用
力之術由此論之則水堂之功乃餘力也
夫知邑莫若州知宰莫若守知而不言無
乃過乎今此記述以備其事懼不宣美豈
徒媿詞而已哉大曆一紀之首夏也

吳興沈氏述祖德記

南齊徵士吳興沈危名麟士郡人也蘊道
德晦于邑之餘不溪家貧無資以織簾爲
業故時人號爲織簾先生精於禮傳嘗自
詰訓宗人吏部郎中淵中書郎約累薦徵
爲著作郎高卧不起名重江表臨終遺教
依皇甫玄宴棺中貯孝經一卷穿壙三尺
置棺平土不設机位四時地席玄酒而奠
子昇奉而行之吳部陸惠曉張融皆爲之
誄徵士嘗製述祖德碑立於金鵝山之先
塋年月淹遠風雨蠹蝕朽字殘文翳而莫
分乾元中爲盜火所襲碑首毀裂欽然將
墮過江二十葉孫御史中丞震移牒郡國
請其封葺或屬其凶曠而莫修忽有朴樹

生於龜腹盤根抱趾聳幹夾碑疑如工造
鬱若神化歎者復正危而再堅夫德無名
遇賢而鍾慶神無質假物以申應沈氏積
善既遠徵士植德既深天將興舊族乎吾
知沈之復大也權檢校宗事十九葉於前
太廟齋郎怡拜泣松檟增修舊塋感先碑
之隕覆懼遺文之殘闕乃具他石傳而貳
焉崇其本所以尊先也建其新所以嗣德
也以真卿江南婚姻之舊中外伯仲之穆
謬忝拜刺見託斯文刊諸碑陰以傳無朽
因改其樹爲慶樹以旌其美焉沈氏之故
事具於家譜今闕而不紀時有唐大曆八
年冬十二月

乞御書題額恩勅批荅碑陰記

肅宗皇帝恩許既有斯荅御札垂下而真
卿以疎拙蒙譴粵若來八月既望貶授蓬
州長史哀今上即位寶應元年夏五月拜
利州刺史屬羗賊圍城不得入恩勅追赴
上都爲今尚書前相國彭城公劉公晏所
讓授尚書戶部侍郎二年春三月改吏部
廣德元年秋八月拜江陵尹兼御史大夫
充荆南節度觀察處置等使未行受代釋
尚書右丞明年春正月檢校刑部尚書兼
御史大夫充朔方行營汾晉等六州宣慰
使以招諭太師中書令僕固懷恩不行遂
知省事永泰二年春二月貶峽州別駕旬

餘移貶吉州大曆二年夏五月蒙除撫
刺史六年閏三月代到秋八月至上元介
來十有六年困於疎愚累蒙寬謫其所採
碑石迄今委諸巖麓之際未遑崇闕七年
秋九月歸至東京起家蒙除湖州刺史來
年春正月至任州東有若雲兩溪一主有
放生池焉即我宝應元聖文武皇帝所置
也州西有白鶴山山多樂石於是採而鑿
之命吏幹磨礱之家僮鐫刻之建平州之
駱馳橋東蓋以抒臣下追遠之誠昭先帝
生成之德額旣未立追思莫逮客或請先
帝所賜勅書批荅二中諸事以緝而勸之
真卿從焉勒頭斯畢瞻慕不足遂志諸碑

陰庚乎乾象昭回與宇宙而終始天文煥發將日月而齊暉時則有唐大曆九年青龍甲寅之歲孟甲子之日也

吳興地記

烏程縣

縣今聖鄉四計去杭州一百八

計劫鯉西出三

七研劫相北野五里北去上都三千

帝顓頊冢

吳大帝陵

吳景帝陵

鈕皇后陵

吳丹陽太守蕪湖侯太史慈墓

吳大將軍朱台墓

吳蕩寇將軍程普墓

晉侍中羅含墓

晉黃門侍郎潘尼墓

齊宣城太守丘靈鞠墓

梁中書侍郎丘遲墓

梁司空康絢續墓

陳五兵尚書康宗墓

長城縣

大雷山

芳巖

震澤

若溪

吳王夫槩廟

陳景帝陵

陳錢皇后陵

陳昭烈王陵

謝安墓

殷仲文墓

陳武帝故宅

陳文帝故宅

吳均故宅

陳氏五主屏風

陳高祖竹帳

國朝高僧南山律主道宣

安吉縣

天目山

崑山

橫溪

梅溪

蛟龍池

翔鳳林

裴子野故宅

周弘讓故宅

姚萇雉尾扇

施世英金鍾

山川

卞山

法華寺

金井玉澗

乳竇石膏溫泉

項王走馬埒

項王飲馬池

項王繫馬石

衡山

帝顓頊冢

春秋鳩茲城

峴山

顯亭故別駕李適之石酒樽五花

亭

杼山

妙喜寺黃浦橋

避它城

何楷釣臺

升山

吳均入東記

晉吳興太守王羲之烏亭

金蓋山

何氏書堂

張邵丘道祚禪幽寺

太湖周廻四萬八千頃

雲溪

白蘋洲

顏魯公文集卷之十三

卷之十三

卷之十三

卷之十三

卷之十三

顏魯公文集卷之十四

記

錫山安國刊

宋州官吏入闕齋會報德記叙石

禮事附

夫德之所感滌骨髓而非深誠之所至去
神明而何遠有唐大曆壬子歲州宋入闕
齋會者此都人士眾文武將吏朝散大夫
使持節宋州諸軍事行宋州刺史兼侍御
史本州團練守捉使賜紫金魚袋徐向等
奉為河南節度觀察使開府儀同三司太
子太師左右僕射知省事兼御史大夫亦
州刺史上柱國信都郡王田公頃疾良已

之所建也公名神功冀州南宮人稟元和
之粹靈膺期運以傑出含弘厚下正直率
先起孝而德感生人竭忠而精貫白日
和衆必資於寬簡安人務在於撫柔况乎武
藝絕倫英謀沉祕所向而前無強敵日新
而享有緝熙故能殿天子之邦鬱蒼生之
望有日矣羯搆逆公以平盧節將佐今古
僕射李公忠臣拔滄德攻相州拒杏園守
陳留許叔冀降而陷焉思明懼忠臣圖已
令公佐南德信隨劉從諫收江淮至宋州
欲襲李銑公斬德信走從諫遂并其衆而
報焉肅宗大悅拜公鴻臚卿再襲敬鈺於
鄆州加中丞討劉展于潤州斬平之起徐

州刺史明年拜滄青節度使屢侯希逸自
平盧至公以州讓之時宋州刺史李岑爲
賊所圍副元帥李光弼請公討平之拜御
史大夫加開府充充鄆節度破法子營又
詩敬鈺鈺婦順焉史朝義聞之奔下搏投
范陽自縊死廣德元年授戶部尚書封信
都郡王上幸陝公首末扈從都知六年兵
馬每食宿公皆躬自省視上感焉方委以
政事公涕泣固辭而止二年拜汴宋節度
遷兵部大曆二年加右僕射封母清州張
氏爲趙國夫人妻信安郡王禕女爲京國
夫人太夫人慈和勤儉睦于親黨公性純
孝居常不離左右閱讀書史或時疾病公

輒累月不如葦家中札懺不絕仍造宗夏
弘聖三寺以祈福祐五年兼判左僕射知
省事加太子太師公德厚量深勞謙重慎
功既高而入益下位彌大而躋益恭故遠
無不懷邇無不肅令夏四月忽嬰熱疾沉
頓累旬積善降祥勿藥遄喜鷹犬之翫悉
皆弃捨群帥感焉無復戈獵四履之內咸
懷歡欣睢陽之人踊躍尤甚乃咨于州將
曰昔我公之陷賊也至敝邑而首誅德信
李岑之見圍也破其黨而克保城池是即
我公再有大造于敝邑矣微我公之救恤
則昔死於鋒鏑入於煎熬矣尚何能保完
家室嬉戲鄉井者乎不資齋明何以報德

徐公悅而從之來五月八日首以俸錢三
十萬設入關大會飯千僧千開元伽藍將
佐爭承唯恐居後已而州縣官吏長史苗
藏實等設一千五百人為一會頌過團練
官健副使孫琳等設五百人為一會耆壽
百姓張烈等設五千人為一會法筵等供
及塞於郊垆贊明香花喧填於晝夜其餘
鄉村聚落來往舟車聞風而靡督自勤饗
惠而沐先胥懋者又不可勝數矣非夫美
政淳深德風汪濊則何以感人若此其至
者乎其叨接好仁飽承餘烈覩茲盛美益
覲求蒙若不垂諸將來則記事者奚述

叙石幢事

宋州刺史崔偉

會昌中有詔大除佛寺凡鎔塑繪刻
堂閣殿宇關於佛祠者焚滅銷破一
無遺餘遣御史覆視之州縣震畏至
於碑幢銘鏤贊述之類亦皆毀折座
藏之此州開元寺先有太師魯郡顏
公以郡守僚吏州人等爲連帥田氏
入關齋會鐫記大幢立石袤丈而圍
再幾尋程材巨異八觚如砥偉詞逸
翰龍躍鸞翔時刺史邑宰以其大不
可拆遂鑿鑿缺敗以仆之蓋三面僅
存委埋于土倬大中己巳歲守郡明
年嘗暇日訪永前賢事蹟郡從事涂
君因言有魯公石幢索而得之墮壤

之下癡瘕壞失文義乖絕尋譯研究
不可復知意其邑居之中必有藏錄
其文者果於前刺史唐氏之家得其
模石本末完備炳然輝耀溢目倬自
幼學慕習魯公書法纔不能窺涉其
門宇然惜其高蹤堙沒遂命攻治其
傷殘補續其次雖真贗懸越貂狗相
屬且復瞻仰魯公遺文昭示於後矣
大中五年正月一日叙

通議大夫守太子賓客東都副尚
守雲騎尉贈尚書左僕射博陵崔
孝公宅陋室銘記

公諱沔字若冲博陵安平人其先出于齊

太公之後自亭伯三世文宗祕書監六
派別叔執季則俱死王事謙神通並高循
續子彭弘度以武幹稱景雋巨倫以文行
著繼方面者累代列史傳者十人弈葉相
仍恒為異族曾祖弘峻隋銀青光祿大夫
趙王長史祖儼皇朝益州雒縣令父暄年
未四十為庫部員外郎因擇能吏為壽安
令又充江南道廉察使徙醴泉遂歷四邑
盤桓不進以剛正也累至朝散大夫汝州
長史封安平縣男贈衛尉少卿公即安平
之次子也全德天至成人王立蓋聖代之
室臣華宗之孝子文章之哲匠禮樂之祖
師既不可以一名又何能以悉數年二十

四舉鄉貢進士老功郎李迥秀器異之曰
王佐才也遂擢高第其年舉賢良方正對
策萬數公獨居第一而兄渾亦在甲科與
試官梁載言陳子昂歎曰維公孫龜舉不
及也召見前殿拜麟臺校書郎繇是各蓋
天下御史張忌敬以德行薦之以資授
陸渾主簿平陽王敬暉弘度外之交略上
官之禮丁府君憂外除太夫人勉起之以
所試超邁擢拜左補闕遷殿中侍御史奉
勅按竊金者公得其情許之不死竟得減
論諸王或恃貴不遵法度舉而按之其不
吐茹也如此尋迁起居舍人當扈從以親
老抗疏乞退薦琅琊王立太原郭濟渤

其孝養迂祠部員外郎倖僧有請度人者
公拒不奉詔迂給事中大理卿韓思復出
法小差權臣致劾公特寬之迂中書舍人
省改紫微其官仍舊又固辭以親老除虞
部郎中開元初攝御史中丞或訟吏曹之
不平公與崔泰之銜命詳理多所收按俄
而即真兼都畿按察使歲或不稔公請發
粟賑貧之賴全活者以萬數內謁者霍玄
忠有罪公執之以聞玄宗使以玺書勞之
公之澄清中外也以畿縣令長陸景融劉
躄微盧暉有異政丞尉宋遙皇甫翼陳希
烈宋昇蕭隱之范冬芬楊慎餘劉日正高

昌寓州掾李瑱裴曠等並以清白吏能而
薦之二十二年置十道採訪使公所舉六
人在焉執事子有不法者公舉之不回移
著作郎尋遷秘書少監修圖書使尋判大
理卿禮部侍郎公既職司典禮乃刪寫疏
論數百卷以備闕遺特加朝散大夫遷左
庶子丁太夫人憂徵拜中書侍郎出爲魏
州刺史乃肇移元城徙置新市吏人便之
乙丑歲玄宗東封知頓奏課第一賜絹二
百匹嶽下觀禮獻慶雲頌又賜絹一百匹
明年入朝分掌十銓公與王立爲選人所
歌曰馮人澄明澈底清丘山介直連天峻
時人避之還州以理有異績御史大夫崔

隱甫中丞宇文融朝服表薦坐書寵慰無
何徵拜左散騎常侍上以六宮親蚕絲賜
近臣公獻御絲賦又侍燕別殿賦端午詩
屢蒙錫以縑帛綵羅兼判國子祭酒俄充
東都副留守十七年有事陵廟追贈安平
公及太君日安

駕還罷留守二

十年春奉勅撰龍門公宴詩序賜絹百疋
延入集賢院修老子道德經疏行於天下
二十二年遷祕書監修撰如故屬耕籍田
為居守賜絹百疋遷太子賓客出兼懷州
刺史二十四年罷州又以本官充東都副
留守累加通議大夫二十七年冬十一月
有七日寢疾薨于位春秋六十有七玄宗

震悼贈禮部尚書葬日量借手力慢慢故
吏前監察御史博陵崔頌為公行狀云公
德充符契精貫人極孝愛聞於天下制作
垂於無窮執太夫人之喪徒跣吐血以身
為糞土况乎舍弘內恕夷坦外名德至矣
乎今之達者若以富貴崇德行藏養高則
老菜闕於榮親黔婁編於謀道又加於古
人矣故養則致其樂喪則過乎哀以兄姊
之感亞其親甥姪之慈甚其子至於藥石
備物溫清異宜手胝杵臼之間身辱澣濯
之伍汲二然矣每至宗廟心齋嚴恭祀事
明發不寐翌日餘悲故声氣感人者深儀
形化人者遠躬踐五德退讓於恭儉溫良

行張四維加信於仁義禮智而老驥伏櫪以飽駘不忘白鳩巢檐以家瑞終黔則非殊倫絕輩擬議乎萬一矣太常博士裴物議曰公醇一誕靈文明含粹蹈元和以爲天性無間氣以爲人師前後歷官或拜而不至或至而不留瘠形瞽目誓遵孝養可不謂孝乎遂謚曰孝公凡所著文集二十九卷并嗣子祐甫論次先志一卷爲二十九卷吏部員外郎趙郡李華爲集序云公之侍親也孝達乎神祇居憂也哀貫乎天地喪期有數而茹毒終身親交隣里飢者待勿而炊寒者待公而裘蒸嘗之奠待公而具故祿廩雖厚而未嘗足也傳祖禰之美

合於禮經見公文章知行事則人倫之序理亂之源備矣祐甫純行而文直清而和希公門者謂公存焉亡賢數載如此初太夫人患目公傾家求醫或曰療之必愈恐壽不得延太夫人及公悲恨而罷自是端力奉養不脫冠帶者僅三十年每至良辰美景勝引佳遊必扶侍左右笑言陳說親朋往來莫不知太夫人之有苦也公年官雖高至於食菓蔬菜與子姪躬自植藝澆灌以申馨潔泉終喪雖見孩稚者必設位東帶畫哀以禮之公與江夏李邕友善爲校書郎時引邕館於秘閣之下讀書者累年邕由是才名益盛邕與尚書席建侯嘗過

公怪采馬癯羸曰何不於廳前自覲餼飼
忽然致殞何以更之公唯而不易他日二
公又以爲言公良父則曰每欲養言之法
有疑於廝養者所以沉吟自媿二公進而
謂人曰每想達公此言使人慙慙如醉延
和太極之間公既留司東都遂爲所乘馬
就故人監察御史張法子深河南府崇
政坊買宅以製居建宗廟於西南維先太
夫人安平郡夫人堂在宅之中儉而不陋
淨而不華六十餘年椽棟如故堂東嫂廬
夫人所居堂之東北鄭氏李氏姊婦寧所
居堂之北五步之外建瓦堂三間以居之
雜用舊椽不崇壇無藉堊累歷清要所得

祿秩但奉蒸嘗資嫂妹給孤幼營甥姪婚
妯而已朝衣服馬一皆取其下者唯祭器
祭服稱禮焉其室竟不修衆夫人太原郡
太夫人王氏捐牀帳之後公徙居他室或
在賓館而無常所爲常侍時著陋室銘以
自廣天宝末子孫灑掃貯書籍劍履而已
逆胡再陷洛陽屋遂崩圯唯簷下廢井存
焉長子成甫侗有才名進士校書郎早
卒祐甫能荷先業以進士高第累登臺省
至吏部郎中充永平軍節度使尚書李公
勉行軍司馬兼侍御史中丞永懷先德明
發不寐恐茂湮淪罔垂後裔乃刻陋室
銘於井北遺址之前以抒所心某夙仰名

教實欽孝公之盛德晚照臺閣竊慕中丞
之象賢又能好我不遺見託論撰採風猷
而莫窮万一涉泉海而豈究津涯操筆強
名退增戰慙時即大曆十一年青龍景辰
孟夏之月也

撫州寶應寺翻經臺記

撫州城東南四里有翻經臺宋康樂侯謝
公元嘉年初於此翻譯涅槃經因以為號
公諱靈運陳郡陽夏人也祖玄晉車騎將
軍父瓊祕書郎公幼穎悟好學博覽羣書
文章之美江左莫逮以襲祖爵世人宗之
咸稱謝康樂初為劉毅衛軍從事中郎太
子左率出為永嘉太守郡有名山水公素

愛好肆意遨遊稱疾去職於始寧縣修營
故墅傍山帶江畫幽居之美因著山居賦
并自註之與隱士王弘之等遊放為娛有
終焉之志每一詩至都邑莫不競寫宿昔
之間士庶皆遍徵為祕書監再召不赴太
祖使范泰與書敦獎之乃止就職尋遷侍
中日夕引見賞遇甚厚及疾不朝賜假東
歸免官與從弟惠連東海何長瑜穎川荀
道雍秦山羊璿之以文章賞會時人謂之
四友尋山登賞常着木屐上則去其前齒
下則去其後齒會稽太守孟顓事佛精懇
公謂之曰得道應須惠業丈人生天應在
靈運前成佛必在靈運後顓深恨此言後

遂表公有異志公馳出目陳太祖知見誣
除臨川內史公以曇無讖所翻大涅槃經
語小小朴質不甚流靡品數踈簡初學者
難以措懷乃與沙門范惠嚴崔慧觀依舊
泥洹經共爲潤色勒成三十六卷義理昭
暢質文相宣歷代寶之盛行於天下其餘
感神徵應具如高僧傳所說邈乎階局乃
改棟宇具無真卿叨刺是邦茲用懷息有
高行頭陀僧智清緒發洪誓精心住持請
以佛跡寺僧什喻仙臺觀道士譚仙岳同
力增修指期恢復自是法堂之遺構克崇
先達之高蹤百里而遙四山不逼三休而
上十地方超經行之業既崇斗藪之功斯

赫大曆己酉歲四月丙午都人士庶相與
大會設嚴供而落焉以真卿業于斯文見
咨紀述後之君子其忘增修乎銘曰
摩訶般若解脫法身是則涅槃衆經中尊
曇無鞞允嚴觀是因實賴同德弘茲法論
謝公發揮精義入神理絕史野文兼韶彬
一垂刊削百代咸遵遺跡忽睹高臺嶙峋
載悲祖謝曷踐音塵真卿愀然憫故孰新
檀那衣鉢悉力經綸不日復之周邦仰仁
緬懷孰慕予亦何人徒願神交愧非德隣
刻銘金石未末不泯

張長史十二意筆法意記

予罷秩醴泉持詣京洛訪金吾長史張公

公請師筆法長史于時在裴儼宅憇止有
羣家師張公求筆法或有得者嘗曰神妙
僕頃在長安二年師事張公皆大笑而已
即對以草書或三紙五紙皆乘興而散不
復有得其言者僕自再於洛下相見眷然
不替僕因問裴儼足下師張長史有何所
得曰但書得絹屏素數十軸亦嘗論諸筆
法唯言倍加功學臨寫書法當自悟耳僕
自停裴家月餘日因與裴儼從長史言語
散却迴京師前請曰既承九丈獎諭日月
滋深夙夜下勤溺於翰墨儼得聞筆法要
訣終為師季以莫至於能妙豈任感戴之
誠也長史良又个言乃左右眄視拂然而

起僕乃從行歸東竹林院小堂張公乃留
堂踞牀而坐命僕居於小榻而曰筆法玄
微難妄傳授非志也人詎可與言要妙
也書之求能且攻真草今以授之可須思
妙乃曰夫平謂橫子知之乎僕思以對之
曰常聞長史示令每為一平畫皆須令縱
橫有象此豈非其謂乎長史乃笑曰然而
又問曰直謂縱子知之乎曰豈不謂直者
從不令邪曲之謂乎曰均謂間子知之乎
曰嘗蒙示以間不容光之謂乎曰密謂際
子知之乎曰豈不為築鋒下筆皆令宛成
不令其踈之謂乎曰鋒為末子知之乎豈
不謂以末成畫使其鋒健之謂乎曰力謂

骨骸子知之乎曰豈不謂樞筆則點畫皆有筋骨字骸自然雄媚之謂乎曰轉輕謂屈折子知之乎曰豈不謂鈞筆轉角折鋒輕過亦謂轉角為閤闊過之謂乎曰尖謂牽製子知之乎曰豈不謂為牽為製尖意挫鋒使不怯滯令險峻而成以謂之尖乎曰補謂之不足子知之乎曰豈不謂結點畫或有失趣者則以別點畫旁救之謂乎曰損謂有餘子知之乎曰豈不謂趣長筆短常使意勢有餘點畫若不足之謂乎曰巧謂布置子知之乎曰豈不謂欲書先預想字形布置令其平穩或意外字骸令有異勢是謂之巧乎曰稱謂大小子知之乎曰豈不謂大字蹙之令小小字展之戶大兼令茂密所以為稱乎長史曰子言頗皆近之矣夫書道之妙煥乎其有上且焉字外之奇言所不能盡世之書者宗三王元常逸跡曾不睥睨筆法之妙遂爾雷同獻之謂之古肥旭謂之今瘦古今既殊肥瘦頗反如自省覽有異衆說芝鍾巧趣精細殆同始自機神肥瘦古今豈易致意真跡雖少可得而推逸少至於學鐘勢巧形容及其獨運意疎字緩譬猶楚晉習夏不能無楚過言不悒未為篤論又子敬之不逮逸少猶逸少之不逮元常學子敬者畫虎也學元常者畫龍也余雖不習又得其道

不問之言必慕之歟儻有巧思二盈半矣
子其勉之工精勤悉自當妙矣真卿前請
曰幸蒙長史傳授筆法敢問工書之妙如
何得齊於古人張公曰妙在執筆令其圓
轉勿使拘牽其次諸法須口傳手授之訣
勿使無度所謂筆法也其次在於布置不
慢不越巧使合宜其次紙筆精佳其次諸
變適懷縱捨規矩五者備矣然後齊於古
人矣敢問執筆之理頗得長史曰予傳授
筆法之老舅彥遠曰吾聞昔日說書若
李有工而跡不至後聞於褚河南曰用筆
當須如印泥畫沙思所以不悟後於永嘉
遇見沙地平淨令人意悅欲書乃偶以利

鋒畫其勁險之狀明利媚好乃悟用筆而
錐畫沙使其藏鋒畫乃沉着當其用鋒常
欲使其透過紙背此功成之極矣真草用
筆悉如畫沙則其道至矣是乃其迹可久
自然齊古人矣但思此理以專想工用故
其點畫不得妄動子其書紳余遂銘謝再
拜逡巡而退自此得攻書之術于茲五年
真草自知可成矣 平直均密鋒力轉尖補
損巧稱為十一二意

顏魯公文集

卷之十五

詩

題杼山癸亭陸鴻漸所
得暮字

錫山安國刊

杼山多幽絕勝事盈跬步前者雖登攀淹
留恨晨暮及茲紆勝引曾是美無度歛構
三癸亭寔惟陸生故高賢能矧物疏鑿皆
有趣不越方丈間居然雲霄遇巍峩倚脩
岫曠望臨古渡左右苔石攢低昂桂枝蠹
山僧狎猿狖巢鳥來枳相俯視何楷臺傍
瞻戴顓路遲迴未能下夕照明村對

謝陸處士杼山折青桂花見寄之什

群子遊行山山寒桂花白綠萸含素萼採
折自逋客忽枉岩中詩芳香潤金石全高
南越蠹豈謝東堂策會愜名山期從君恣
幽覲

登平望橋下作

登橋試長望望極與天平際海兼葭色終
朝鳧鴈聲近山猶全一作髣髴遠水忽微明
更覽諸公作知高題柱名

登峴山觀李左相石樽聯句

李公登飲處因石為窪樽真人事歲年改
峴山今古存劉全蒹蕪掩前跡苔蘚餘舊
痕維舟叔子尚遺德山公此迴軒張薦
陪高興感昔情彌敦士藹藹賢哲事依

依離別言強蒙嶮嶽橫道周迢迢連山根

范縉餘烈暖林野翠芳揖蘭蓀德暉

映岩足勝賞延高原魏理遠水明匹練因

晴見吳門莊脩陪游追感美揆德欣討論

顏峴器有成形用功資造化元輔元流

霞方泔淡別鶴遽翩翩劉茂舊規傾逸賞

新興麗初嗽黃暉醉後接離倒歸時騶騎

喧謁德遲迴向遺迹離別益傷魂常介覽

事古只屬送人歸思繁成然懷賢又徂謝

贈遠空攀援崔引八座欽懿躅高名播乾

坤鯁仲松深引閑步葛弱供險捫陸羽花

氣酒中馥雲華衣上屯權器森沉列胡樹

牢落望郊園繼士白日半巖岫清風滿丘

樊隸幼旌麾間翠幄簫鼓來朱轡初淡閑
路躡雲影清心澄水源舞塵外萍連浦中
嶼竹遶山下村願嶺景落全溪暗烟凝半
嶺昏願頭去日往如復換年凉代温願頭
登臨繼風騷義激舊府恩李嵩

水堂送諸文士戲贈潘丞聯句

君人未可散止客須留著莫唱阿鞞回應
云夜半樂頌卿奉潘詩教刻燭賦酒任連
盤酌從他白眼看終戀青山郭送奉林
栖非姓許寺住邨名約會異永和年才同
建安作酬呈權十何煩問更漏但遣催絃
索共說長句能皆言早歸惡端別然那知
殊出處還得同笑謔雅韻雖整懽懽禪心肯

拋却峻然上侍一宿同高會幾人歸下若
簾開北陸風烛焯南枝鵲瑞奉潘文場
苦叨竊釣渚甘漂泊弱質幸見容菲才誠
重諾本

送耿滂拾遺聯句

堯舜逢明主嚴徐得侍臣分行接三事高
興栢梁新真卿楚國千山道秦城萬里人
鏡中看齒髮河上有煙塵嵩望闕飛青翰
朝天憶紫宸喜來歡宴洽愁去詠歌頻願
願盼情非一睽携處亦頻吳興賢太守臨
水最殷勤嵩

三言擬五雜組

五雜組繡與錦往復還興又寢不得已病

伏枕

五言月夜啜茶聯句

泛花邀坐客代飲引情言陸士脩醒酒宜

華席留僧想獨園葛不須攀月桂何假樹

庭萱葛御史秋風勁尚書北斗尊崔萬流

華淨肌骨疏淪滌心原真卿不似春醪醉

何辭綠菽繁晝素瓷傳靜夜芳氣滿閑軒

士脩

三言重擬五雜組

五雜組甘鹹醋往復還烏與兔不得已韶

光度

五言夜晏詠燈聯句

桂酒牽詩興蘭缸照客情士脩詎慙珠乘

朗不讓月輪明張薦破暗光初白浮雲色

轉清真卿帶花疑在樹比燎欲分庭晝顏

已慙微照開簾識近汀真卿

三言喜皇甫曾侍御見過南樓翫

月

喜嘉客闢前軒天月淨水雲昏真卿鴈聲

苦蟾影寒聞裊浥滴檀欒陸羽歡晏處江

湖間鯉甫卷翠幕吟嘉句恨清光留不住

李嶼高駕動清角催惜歸華重徘徊晝露

欲晞客將醉猶死轉照深意陸士脩

七言重聯句

頃持憲簡推高步獨占詩流橫素波不是

中情深惠好誰能千里遠經過真卿詩書

宛似陪康樂少長還同宴永和夜酌此時
看張一晨趨幾日重鳴珂皇甫會

五言送李侍御聯句

吾友駐行輪遲遲惜上春真卿東西出餞
路惆悵獨歸人晝歡會期他日驅馳恨此
身嵩須知貢公望從此願相因

五言既初月重送聯句

春溪與岸平初月出溪明嵩壯壯對壁彩寒
仍潔金波夜轉清嵩孤光遠近蒲練色往
來輕真卿望望隨蘭棹依依出柳城晝

五言重送橫飛聯句

春田草未齊春水滿長溪嵩壯壯出餞風
初暖攀光日漸西真卿歸期江上遠別思

月中迷晝

七言大言聯句

高歌閬風步瀛洲晝燁鵬瀚鯤養未休真卿
四方上下無外頭嵩一吸頓溷滄漠流嵩

七言小言聯句

長路遙二吞吐絲真卿焦螟蚊睫察難知嵩
晝

七言樂語聯句

苦河既濟真僧喜嵩新知滿座笑相視真卿
戍客歸來見妻子晝學生放假偷向市嵩

七言晚語聯句

拈鰓舐指不知休嵩欲灸侍立延交流真卿
過暑大爵肯知羞晝食店門外強淹留嵩

七言滑語聯句

雨裏下山踏榆皮真卿莓苔石橋步難移
畫蕪美醬醋喫煮葵吟縫靴纈線油漆錐
急逢龍背頂且騎

七言醉語聯句

逢糟遇麪便酩酊全白覆車墜馬比白不醒
真卿倒著接離髮垂領書狂心亂語無人
並

五言夜集聯句

寒花護月色墜葉占風音書茲夕無塵慮
高雲共片心真卿

刻清遠道士詩因而繼作清遠

六時詩附

清遠道士同沈恭子遊虎丘寺

有作

我本長殷周遭罹歷秦漢四瀆與
五嶽各山盡幽竄及此寰區中始
有近峯翫近峯何鬱鬱平湖渺瀰
漫吟挽川之陰步上山之岸山川
共澄澈光彩交凌亂白雲翳欲歸
青松忽消半客去川島靜人來山
鳥散谷深中見日崖幽曉非旦聞
子盛遊遨風流足詞翰嘉茲好松
石一言常累嘆勿謂余鬼神忻君
共幽贊

不到東西寺于今五十春竭來從舊賞林

壑宛相親吳子多藏日秦皇厭聖辰劍池
穿萬仞盤石坐千人金氣騰為虎琴臺化
若神登壇仰生一捨宅歎珣珉中嶺分雙
樹廻巒絕四隣窺臨江海接崇師四時新
客有神仙者於茲雅麗陳名高清遠峽文
聚斗牛津跡異心寧間聲同質豈均悠然
千載後知我揖光塵

李太尉追和

茂苑有靈峯嗟余未遊觀藏山在平
陸壤谷爲高岸岡繞數仞牆巖潛千
丈幹乃知造化意迴幹資奇翫鏐騰
昔虎踞劍沒嘗龍煥潭黛入海底峯
岑聳霄半層巒未昇日哀猶寧知旦

綠篠夏蒨陰碧林秋不換冥搜既窈
窕迴望何蕭散川晴嵐氣收江春雜
英亂逸人綴清藻前哲留篇翰共扣
哀玉音皆舒文繡段難追彥回賞諸
回逾其所謂徒起興公嘆一夕如再升含毫星斗
爛

皮日休所載

虎立山有清遠道士詩其所稱自殷
周而歷秦漢迄于近代抑二千年求
以鬼神自謂亦神恠之甚者格之以
清健飾之以俊麗一句一字若奮若
搏彼建安詞人儻在不得居其右矣

顏太師魯公愛之不暇遂刻于巖際
并有繼作李太尉衛公欽清遠之高
致慕魯公之素尚又次而和之顏之
叙事也典李之屬思也麗並一時之
寡和又幽獨君詩二首亦甚奇愴嗜
古者觀而樂之余因摛而為和苔幽
濯君一篇不知孰氏之作其詞古而
悲亦存於篇末太玄曰大無方易無
時然後為鬼神也噫清遠道士果鬼
神乎抑道者流乎抑隱君子乎詞則
已矣人則吾不知也

五言使過瑤臺寺有懷圓寂
上人 并序

真卿昔以天寶元年尉醴泉丞過瑤臺寺
圓寂上人院秩滿遷監察御史巡覆諸陵
而上人二難此寺大曆十三年春二月以
刑部尚書謁拜昭陵慨然有懷其詞曰
上人居此寺不出三十年灵法盡無染難
難舊法元無一心唯趣禪忽紆塵外軫遠
訪世同緣舊集作區中錄及爾不復見支
提猶岁舊集作崑然以真蹟校

贈僧皎然詩

秋意西山灵別岑祭左次繕亭歷二矣趾
趾鄰什寺元化靈灵蹤始君啓高致誅榛
養翹楚鞭草理方穗俯砌披水容逼天掃
峯翠境新耳目換物遠風塵異倚石忘世

情撥雲得真意嘉林幸勿剪禪侶欣可庇
備法大臣過佐游羣英萃龍池護清激虎
節到深遂徒想嶮頂期于今及遺記

顏魯公文集補遺

錫山安國刊

裴將軍詩

大君制六合猛將清九垓戰馬若龍虎騰
陵何壯哉將軍臨八荒烜赫耀英材劍舞
若游電隨風縈且迴登高望天山白雲正
崔嵬入陣破驕虜威名雄震雷一射百馬
倒再射萬夫開匈奴不敢敵相呼歸去來
功成報天子可以畫麟臺

迂獻懿二祖及禘祫議觀廟取辨

意銅飾之辨簡

今議者有三一謂獻祖親遠而遷不當祫
宜藏主西室二謂二祖宜祫食與太祖並

昭穆缺東向位一謂引二祖祫禘即太祖
未不得全其始宜以二主祔德明廟雖然
與人神未厭也景帝既受命始封矣百代
不迂矣而又配天尊無與上至禘祫時暫
屈昭穆以申孝尊先實明神之意所以教
天下之孝也况晉蔡謨等有成議不爲無
據請大祫享奉獻主東向懿主居昭景主
居穆重本尚順爲萬代法夫祫合也有如
別亨德明是乃分食非合食也時議者舉
然於是還獻懿祖主祫於廟如真卿議

干祿字書序

史籀之興備存往制筆削所誤抑有前聞
豈唯豕上加三蓋亦馬中閔五迨斯以降

舛謬寔繁積習生常爲弊滋甚元孫伯祖
故秘書監貞觀中刊正經籍因錄字隸數
紙以示讎校楷書當代共傳號爲顏氏字
樣懷鈔是賴汗簡攸資時訛頓迂歲久遷
變後有羣書新定字樣是李士杜延業續
修雖稍增加然無條貫或應出而靡載或
詭衆而難依且字書源流起於上古自改
改篆行隸漸失本真若摠據說文便下筆
多礙當去泰去甚使輕重合宜不揆庸虛
以思編緝頃因閑暇方契宿心遂參校是
非較量同異其有義理全僻罔勿畢該點
畫小虧亦無所隱勒成一卷名曰干祿字
書以平上去入四聲爲次

具言俗通正三躰字大體然則有三躰非謂每

偏旁同者不復廣出謂是也回舊召之

字有相亂因而附焉謂是也究究掃模之類

所謂俗者例皆淺近唯籍帳文案券契樂

方非涉雅言用亦無爽儻能改革善不可

加所謂通者相承久遠可以施表奏牋啓

尺牘判狀固免詆訶若須作文言及選曹

銓試兼擇正作用之尤佳所謂正者並有

憑據可以施著述文章對策碑碣將為允

當進士考試理宜必遵正躰明經對策實

合經注本本文碑書李作不分行別誨舊則

有此區別其故何哉夫茲仕觀光惟人所

急循名貴實有國恒規既考文辭兼詳翰

墨升沉是繫安可忽諸用捨之間尤須折

衷目以干祿義在茲乎綆短汲深誠未達

於涯涘歧路惑庶有歸於適從如曰不

然請俟來哲

項王碑陰述

西楚霸王當秦之末與叔梁避鋒吳蓋

今之湖州也雖滅秦而宰制天下魂魄猶

思樂茲邦至今廟食不絕其神靈事跡具

竟陵子陸羽所載圖經大曆七年真卿家

刺是州十二載姦臣伏法恩命追真卿上

都剋期首路竟陵是詒予以故碑顛

趾嘗因已而復之真卿乃命再

加崇樹紀之時則仲夏方生

明之日

祭伯父豪州刺史文

維乾元元年歲次戊戌十月庚子廿一日
庚申第十二姪男銀青光祿大夫使持節
饒州諸軍事饒州刺史上輕車都尉丹陽
縣開國侯真鄉敢昭告于亡伯故朝議大
夫豪州刺史府君之灵日者羯胡祿山儼
擾河洛生靈塗炭兵甲靡夷二兄杲卿任
常山郡太守忠義憤發首開土門擒斬逆
豎挫其凶慝先蓋授衛尉卿兼御史中丞
城孤援絕身當賊庭聖朝哀榮褒贈太子
太保甥姪人人李明盧涉等被賊害者並
贈五品京官嫂及兒女皆被拘囚膺略昭

宣宇宙清廓脫于賊手並得歸京真卿比
在平原遭罹凶逆與杲卿同心協德亦著
微誠二聖憫焉授戶部侍郎河北採訪招
討使又迁工部憲部二尚書再兼御史大
夫出爲同蒲饒三州刺史聖恩錫類大門
贈華州刺史兄弟兒姪盡蒙國恩允南授
膳部郎中允臧授侍御史威明試太僕丞
類授太子洗馬頂授協律郎類授祕書省
校書郎賜緋魚袋泉明顯類等並蒙遷
改一門之內生死哀榮真卿時赴饒州至
東京得申拜掃又方遠辭違伏增感咽謹
以清酌庶羞之奠以伯母河南縣君元氏
配尚饗

與李太保帖

辭後明日至宅奉送承已當時出
獲重捧袂至今為恨仲春漸暄不審太保
尊躰何如真卿粗爾不審初到如何佇承
異績以慰瞻係因中郎張淑往謹附狀不
宣謹狀二月十四日刑部尚書顏貞卿狀
上李太保大夫公閣下 張淑昨艱難時
首末得力願在麾下有容足處庇之幸甚
謹空

奏事官至蒙問增慰馳誠冬閏初寒伏惟
太保尊躰安適真卿悲疾可言蕃寇推退
為憲之功忝沐深情俱增喜躍前後不逢
之信遂闕修狀何時入奏未間悲係無喻

謹還狀不次謹狀閏月十有五日刑部尚
書顏真卿狀上李太保大夫公閣下謹空
真卿粗自奉別渴仰何勝昨緣馬奔逐失
馳謂想蒙情恕也真卿十五日誰家大小
俱安沈二病瘡少愈勿憂為佳正遠披承
益期自愛謹勒參候不次刑部尚書顏真
卿頓首李太保大夫公閣下千手贊已領
訖然尚少第一二隔恐在書在希更根尋足
踈拙抵罪聖慈含弘猶佐列藩不遠伊邇
省躬荷德恩感實深兢慄之誠在物何喻
仲春暄甚不審太保尊躰何如所苦當轉
勝也真卿緣驛上無馬私乘泡轉幾死前
進不得今日始至藍田即便取路不獲執

別此情如何珍重珍重謹附狀不次謹狀
二月十一日陝州別駕顏真卿狀上李太
保大夫公閣下

與澄

真卿承聞大華嚴會已遂園成取來日要
詣彼隨喜如何如何幸周副老草不悉真
卿頓首和南澄師大德侍老 十日敬空

與御史帖

真卿謹別上書于御史閣下竊聞尊候平
和真卿瞻仰瞻仰前所會廟上諸公未悟
唯御史論高百寮振古未有雜事可置况
朝廷自有次序不足念乎真卿

守政帖

政可守不可不守吾去歲中言事得罪又
不能逆道苟時為千古罪人也雖貶居遠
方終身不耻緒汝等當須會吾之志不可
不守也

廣平帖

得示問廣平碑本了來數日故當封呈真
卿頓首

修書帖

賊軍未平使僕不憤見故先修書但召諸
子弟與語不具真卿

中夏帖

真卿頓首中夏以还暑氣日甚病懶益不
喜所為前欲書石當酒稍涼作之也幸不

以差緩過之京人來何消息嘉否

文殊帖

近作一文殊師利菩薩碑但欲發揚主上
聖意蓋不近文律耳今奉呈充蓋醬之用
可乎真卿白

訊後帖

真卿具前楮訊後所苦何如立斯極位惟
廷江上佳山秀水在公庭戶想日有樂事
甚得佳士相延公高才逸韻自有晉宋間
入風坐此肆局不易處上方招致仁者如
公之豈又在江左乎行聞迅召以快士議
真卿頓首

移蔡帖

真元元年正月五日真卿自汝後蔡天也
天之昭明其可誣乎有唐之德則不朽耳
十九日書

顏魯公文集補遺終

西

Handwritten text in vertical columns on the right page, including a date '丁未年' and a page number '七'.

